



Cumün da Valsot

Poz 86 • CH-7556 Ramosch
Tel. +41 (0)81 861 00 60 • Fax +41 (0)81 861 00 61 • info@valsot.ch • www.valsot.ch

Affischa

Suprastanza cumünala dals 5.11.2018

Presidi: Peer-Puorger Victor

Partecipant/s: Mayer-Schlegel Armon
Caviezel-Domenig Ursina
Kirchen-Werro Armon
Riatsch-Fedi Fadri

Absaint:

Protocol: Fallet-Taverna Marco

Fabrica: Paulmichl-Rodigari Albin

Giast/s: Patrizia Wieser, manadra da finanzas

tractandas	tema	responsabel
144	0120 Executiva Acconsentimaint protocol	tuots
145	0210 Administraziun cumünala Preventiv 2019 Quint economic e quint d'investiziun	vp/pw
146	0220 Uffizi da fabrica Dum. da fabrica no. 045/2018, renovaziuns, piazza da tschantar, s-chodamaint cun fouras geotermicas, Jenatsch Jann, parcella no. 307, Plaz 42, 7556 Ramosch	vp/ap
147	8110 Agricoltura Charta a reguard il scumpart da la meglioraziun Parcelas i'l territori da Val Fermusa	vp/ap
148	7101 Provedimaint d'aua Charta Claudio Gisep	vp/ap
149	3410 Sport Plazzas da giovar Valsot Charta d'una gruppa d'uffants da la fracziun Tschlin	vp/ap
150	0120 Executiva Orientaziuns	tuots
151	0120 Executiva Varia (suprastanza cumünala)	tuots

0120 Executiva

144 **Acconsentiment protocol**

Il protocol da la sezzüda dals 22 october 2018 vegn approvà.

0210 Administraziun cumünala

145 **Preventiv 2019**

Quint economic e quint d'investiziun

Quint economic

La supastanza repassa il quint economic cun tuottas spartas. Il quint economic prevezza seguaint resultat:

Entradas da frs. 10'557'500.00 vers sortidas da frs. 9'232'600.00, uschè chi resulta ün guadogn da frs. 1'324'900.00.

Quint d'investiziun

Il manader tecnic preschainta la fatschenda. Il quint d'investiziun prevezza entradas da fr. 3'262'200.00 e sortidas da fr. 6'485'900.00, quai chi lascha resultar üna somma d'investiziuns nettas da frs. 3'223'700.00. Seguaints progets sun previs da realisar:

- Via da velos Ovella - via Engiadina	frs. 1'620'000.00
- Via da velos Ischla-Rov	frs. 10'000.00
- Via Plan da Muglin – Stradun	frs. 1'657'000.00
- Bügl Pitschen – Pedval infrastruttura	frs. 1'180'400.00
- Chaflur infrastruttura	frs. 185'000.00
- Martina infrastruttura	frs. 80'000.00
- La Crusch-Plaz Sura infrastruttura	frs. 548'600.00
- Condot d'aua Seraplana	frs. 115'000.00
- Inchaschamaint funtana Sot Schinera	frs. 50'000.00
- Lingia meteora Schilana	frs. 8'300.00
- Cuntschet Brancla	frs. 40'000.00
- Quartier Plan da Muglin planisaziun	frs. 20'000.00
- Zona da sveltezza 30	frs. 20'000.00
- Revisiun planisaziun da zonas	frs. 30'000.00
- Zona da mansteranza Plan da la Punt / Sclamischo	frs. 10'000.00
- Chamonna Pradatsch	frs. 40'000.00
- Proget sanaziun vias da god (SIE)	frs. 691'600.00
- Proget sanaziun repairs (SIS)	frs. 180'000.00

La supastanza pigl'avant amo alchüns müdamaints. Ella es perincletta cul preventiv dal quint economic sco eir d'investiziun 2019 e til deliberescha a man da la radunanza cumünala.

Ultra da quai decid'ella da propuoner a la radunanza da laschar il pè d'impostas sco fin da qua, dimena sün 95% da l'imposta chantunala simpla.

Discussiun

Il capo manzuna cha investiziuns nettas d'üna somma frs. 3'223'700.00 as poja incleger per ün on, cha però in avegnir sto quella somma as diminuir in basa d'ün import supportabel. Pel 2019 as stoja quintar uschè cun ün manco da finanziaziun da var frs. 1,7 miu.

Il vicecapo, Armon Mayer, rend'attent, cha seguond decisiun vegn pajada la contribuziun annuala da frs. 40'000.00 a la Bieraria Tschlin pella d'ürada limitada da duos jadas 3 ons. Seguond chalender nu sto quella plü gnir resguardada i'l preventiv. La supastanza pigl'avant quel adattamaint.

Rectificaziun dal bilantsch pels 1. da schner 2018

La contabla ha distribui il bilantsch cun üna survista da las amortisaziuns dals progets conclus, seguond il nouv model HRM2. Ella spordscha las informaziuns necessarias in chosa. Plünavant es gnü surdat a la supastanza il rapport adequat davart da l'uffizi per cumüns, il qual circumscriba ed argumentescha la rectificaziun. Quista fatschenda nun ha da gnir sancziunada da la radunanza dimpersè quella ha be da tour cogniziun lasupra.

0220 Uffizi da fabrica

146 Dum. da fabrica no. 045/2018, renovaziuns, piazza da tschantar, s-chodamaint cun fouras geotermicas, Jenatsch Jann, parcella no. 307, Plaz 42, 7556 Ramosch

Il petent prevezza da construir üna nouva stanza sül plan sura. Plünavant es previs da realisar üna s-chala nouva pro'ls schlers. I'l plan terrain es previs da construir ün nouv üsch da lobia our d'üna fanestra existenta. Illas fatschadas vest ed ost vegnan refattas trais fanestras ed illa fatschada nord 5 fanestras, implü realisà il nouv üsch da lobia.

Ils permiss supplementars sun avantman (uffizi pulizia da fö ed uff. per la natüra ed ambiaint a reg. fouras geotermicas). Il temp da publicaziun düra amo fin als 12.11.2018.

La suprastanza decida da conceder il permiss culla cundiziun chi nun aintran ingünas protestas d'ürant il temp da publicaziun. Il permiss vegn protramiss pür davo la scadenza dal termin.

8110 Agricoltura

147 Charta a regard il scumpart da la meglioraziun
Parcellas i'l territori da Val Fermusa

Il petent prevezza da megliorar las relaziuns d'access e d'entrada sün sia parcella. Cun sia dumonda suottametta quel diversas soluziuns da construcziun al cumün ed ev. eir al post chantunal perit pel ev. proceder dal BAB per ün'examinaziun preliminar.

La suprastanza farà uossa tuot ils sclerimaints bsögnaivels in fatschenda.

7101 Provedimaint d'aua

148 Charta Claudio Gisep

Il manzunà dumonda per pudair far ün attach illa vasca vi da la lingia cumünala previssa per sia chamonna a Tschardaina sur Seraplana – parcella 10773.

El preschainta ün plan da survista sül qual es segnà il trassè da la lingia fin pro la vasca. Quel maina sur duos otras parcellas. Ils possessurs da quellas han concess lur accord cun lur suottascripziuns sül plan.

La suprastanza decida da conceder il permiss pel attach vi da la vasca cumünala. Davart dal cumün sto gnir inoltrà üna dumonda da fabrica BAB pel condot nouv pella fracziun da Seraplana. Il manader tecnic ha examinà, schi nu füss ev. pussibel d'integrar eir la dumonda dal petent in quel proceder. Quai nun es però bain pussibel, uschè cha quel sto inoltrar independentamaing üna dumonda pel BAB (il trassè da sia lingia sta per part in conflict cun zona da god e da prada sütta).

3410 Sport

149 Plazzas da giovar Valsot
Charta d'üna gruppa d'uffants da la fracziun Tschlin

Divers uffants da Tschlin han inoltrà la dumonda per pudair construir üna piazza da giovar. Il lö giavüschà da quella es Plan Munts.

Els argumanteschan quai, chi nu saja plü bain pussibel ad els da giovar sper il center da Bainesser. Plünavant manzunan quels chi manca la cumpagnia, causa chi nun exista ingün oter lö per giovar.

Ils equipamaints arrandschessan els svest. Els dovressan be il permiss dal cumün per far la piazza.

La direcziun vaiva rendü attent, cha be in quist möd nun es quai pussibel da conceder ün permiss. Per l'üna figüran sülla charta be prenoms ed i nun es indichà ingüna persuna da contact. Per l'otra sto gnir trat in consideraziun la respunsabilità dal cumün. Quella nun es da suotvalütar tuot tenor pro accidaints plü greivs.

Il suprant dal discasteri, Armon Kirchen ha scleri la fatschenda ed infuormescha lasupra. In basa al plan da survista füss previs da da gualivar la piazza (ca. 30 m lunghezza e 10 m larghezza) e serrar aint quella cun üna saiv. La piazza es previssa da munir cun üna maisa cun banc, 1 trampolin, 1 gol da ballapé, ün föcler, üna maisa da ping pong ed üna maisa da ballapé.

La suprastanza decida sco prüm d'evaluar ils cuosts, per lura avair la basa per üna decisiun.

0120 Executiva
150 **Orientaziuns**

Proget «Viver in Engiadina Bassa» - eir ill'età avanzada

La suprastanta, Ursina Caviezel, infuormescha, cha'l proget es uossa gnü conclus.

Ouvras electricas / lingia d'ota tensiun

Il capo infuormescha, cha a partir dals 28 da november 2018 vegnan allontanadas las pütas d'ota tensiun da Pradella – Ramosch.

Fabricat in cumün

Ün patrun da fabrica vaiva inoltrà plont pro'l tribunal administrativ dal Grischun. Quel ha uossa trat sia decisiun. Il cumün ha l'ocasiun da rollar sü danouv il cas. La suprastanza prevezza da far ils sclerimaints bsögnaivels.

0120 Executiva
151 **Varia (suprastanza cumünala)**

Da la tractanda varia nu vegn fat adöver.

7556 Ramosch, 15.11.2018



Il capo:

Il manader administraziun: